

MOORE THEOLOGICAL COLLEGE LIBRARY



3 2042 00098072 6



MOORE COLLEGE LIBRARY

*Presented by*

From the library of

A. Capell

238 FLO

Moore College  
Library

NA HUAHUATI

TA NA

GEGERE TE TABU.

*(Florida Catechism.)*




078508

MELANESIAN MISSION PRESS, 1904

*Moore College*

*Library*



NA HUAHUATI  
TA NA  
GEGERE TE TABU.

---

Ahei te *gonia* na maramana? God hegena vamua.

Eniha na boni te *gonia*? E ono.

Ivei te nea na *goniana* na maramana? Te bosa lee vamua.

Ivei te vaga na puputuana mai na marara? God te bosa, Marara ge marara.

Me gua God ge *gonia* na aho? Ge ke va marara te dani na maramana.

Na hava na pukuna God ge *gonia* na Vula? Te *gonia* ge ke marara te boni.

Ivei te vaga na *goniani* na lei iga ma na manu? God te bosa gera puputu dato mai ta na beti.

Ivei te nea na *goniadir*a na lei bolo? Te gagua, Paritina ko sivuragara mai, gera sivuraga mai.

---

Na hava te *goni* sosokoa God? Na tinoni.

Ahei na vuvuni ni tinoni? A Adam ma Eva. Te diki *gonira* rogaira.

God te *goni* taonira nia hei? Te *goni* taonira nia Agaia.

Na vana hava God te vahera? Na vana lutua ma na lei gai.

Eniha ni na boni God te *gehegehe* ilokani? E ono.

Na hava te *gonia* e vituni na boni? Te soko tua na *gehegehena* me aheahe ilokana.

Migita, ivei ta nea na taoniana God? Ta lutu e ono na boni, me vituni na boni ta aheahe ga.

Me gua ga nea te vaga keri? God te vetena gita na neana te vaga.

---



Ma God te gonira tua Adam ma Eva ivei te talura? Ta na legai i Eden.

Na hava na lutu God te vetenara nia? Toro kapigi moro rigi taonigi na legai.

Na gai hava God te subai ta na legai? Erua na gai, sakai na Gai ni Vola, ma sakai na Gai ni Manaha.

Na hava na gai God te hovenana nia na tabeana ma na ganiana? Na gai ni Manaha.

Na hava na tabu te talua *ga* God? Na mate.

Ahei te bosa vania Eva *ge* ke gania na vana te tabua God? A Satana.

Ahei *gaia*? Na Taruna dika.

Ivei te nea na va tate vaniana Eva? Te liliu Poli.

Na hava te bosaa vania Eva na Poli? Na vana eni ke manahago nia na totoho uto ma na dika.

Te gania pe taho? Te gania me vahea *gua* Adam me gania.

Ma God te gilalaa na hava toro nea? Eo, te gilalaa sugua, me rutu vanira.

Na hava God te bosaa vania na Poli? Kara nigo siko vaa tadira na lei bolo soko.

Na hava God te bosaa vania Eva? Ku sulea na vahagi tailiamu toko vahuhu.

Na hava te bosaa vania Adam? Ko gania na vana ni lutu nia na vivikino.

A Adam ma Eva toro gahara soo ta na legai pe taho? Taho. God te guru-kehara.

God te pulura nia na hava? Na guiguli ni bolo.

Ahei na kamanago tadira Adam ma Eva? A Kain.

Ahei te tumuria? A Abel.

Na hava na *gehegehena* Kain? Te lutu pari.

Na hava na *gehegehena* Abel? Te rigitaoni *sipu*.

Me *gua* Kain *ge* rutu vania tahina? God te nia togotogo a Abel me mua nia togotogo a Kain.

Na pukuna na hava God te nia togotogo a Abel? Na pukuna te uto a Abel.

Ivei te nea na pukuana God? Te lavipanotia nina sukagi a Abel, me mua lavipanotia nina Kain.

Na hava te nia sukagi a Abel? Na dale *sipu*.

Na hava te nia sukagi Kain? Na vana lutua.

Na hava te nea Kain? Te rutu vania tahina *ge* labua.

Ivei te nea vania Kain gaia God? Te guru kehaa ta na komu.

Na hava na lualua te sule? Na beti God te vetenaa mai *ge* obotia na maramana taligu.

Ivei te butu mai na beti? I kokou ta na parako, ma ta na borona na horara gua.

Na hava na beti te butu mai ikokou? Na uha te binoru evati hanavulu na boni.

Me gua God *ge* nea na lualua *ge* obotia na maramana? Na pukuna na vure soko tara dika.

Arahei vamua tara vola? A Noa, ma tauna, mara tolu dalena na mane, mara tolu taudira gua.

Na hava tara nia vola? Na vaka sule.

Ma na hava gua tara volai tadira? Na bolo, ma na manu, ma na lei totoobo vola, erua-rua soko.

Ivei te nea na pukuana na sosokona na lualua a Noa? Te vetenara na manu bili ma na kavuku, ma na manu bili te mua goi pulohi tua ta na Vaka.

Na pukuna na hava *ge* mua pulohi? Na pukuna te soko na uha, ma na manu bili te ganira na totoobo te mitera na lualua.

Me gua niga vaho *ge* goi vetenaa gua na kavuku? Ta na vituni na boni, *ge* nia pulohi ma na rau ni *olive* ta na manana.

Na hava te tugunia vania Noa na kavuku? Te tugunia vania na beti te haga la tua me livu tua na kouni na lei gai.

Me gua niga vaho *ge* goi vetenaa gua na kavuku? Te poso tua e vitu na boni, *ge* goi vetenaa me mua pulohi mai tua.

Na hava na pukuna *ge* mua goi pulohi? Na pukuna te la tua na lualua, ma na pari te mamaha.

Na hava te nea Noa? Te rugu horu ta na vaka.

Na hava na baubahu God te bosa vania Noa? Ku mua goi tagalaginia gua na maramana nia na lualua.

Na hava te nia vaugilala vania Noa? Na lanigabu.

Na hava tara nea na lei tinoni i murina na lualua?  
Tara vuivunia na vuhaana na komu sule ma na vale daro.

Na hava na pukuna? Kara bei havukagi gea ta na maramana taligu.

Na hava te liona God? Te liona na havukaginiadira.

Ivei te vagaa na va soko butoana na kisu vale? Te nera ge kara sopa leu kehakeha.

Na hava tara vatua na Vale keri? Na vale daro i Babel.

Ahei na vuivuni ni kema ni Israel? A Abraham.

Egua *ga* ganagana mavaa Abraham? Na pukuna te dolovia God, me te taonia na bosana.

Na hava God te bosaa vania na gehetiana? Te bosa vania na tona saniana na komuna, me ke va gahaa ta na komu keha.

Ivei tara vahua? I Mesopotamia.

Ahei dalena Abraham? A Isaak.

Ivei na bona vagana gaira toro vahua Isaak ilokana? A Abraham ma a Sara toro haulagi tua.

Ahei te nea na butuli eni *ge* tanomana na vahuhu a Sara te vinekama hau tua? God.

Ma Isaak te sule galaga, God te bosa vania Abraham na kalitiana na hava? Na nia sukagiana dalena.

Ma na hava te nea Abraham? Te tonoa na dalena Isaak me *haga* nia sukagi, ma God te hovea.

Ma na hava God te bosaa vania? Taeni tu pukugo igoe to nia kikinima God, te gagua.

Na hava God te tugunia vania Abraham? Na *sipu* mane, te viri na kalana tana aha.

Ivei te nea Abraham na *sipu* keri? Te nia sukagi tugua nia a dalena.

Ahei tauna Isaak? A Rebeka.

Eniha daledia? Erua; a Esau ma Jakob.

Ivei te vaga a Esau? Te *laga*, me te vuvulua, me hili bolo.

Ivei te vaga a Jakob? Te madalo na hulina, me te pitu komu vamua.

Na hava te pelua nia na malana hogona, na kamanago? Nia na vana.



A Isaak te tonikama tua, ma na hava te bosaa vania Esau? Ko tona va lavia vaniu mai na vinahi ni *goat* mo ko mai bitia vaniu, mu ku bosa-utogo.

Ahei te ronovia na bosa eni Isaak te bosaa? A Rebeka te ronovia, te dolovi *nanataa* va a Jakob ta Esau.

Na hava te nea Rebeka? Te bosa vania Jakob *ge* ke va bosa vania Isaak, Inau Esau, ke gagua.

Te pegoa Isaak pe taho? Te pegoa sugua, na pukuna Isaak te rorodo, *ge* bosa utoa.

Na pukuna eni na hava te nea Esau? Te rutu *nanata* me bosa na labu mateana Jakob.

Ivei te va a Jakob? Te tona sania na komu me va ta tubuna Laban.

A Jakob te kenea na taulagi ta hei? Ta Rakel dalena Laban.

Ivei te nea na peluana ta Laban? Te lutu vania e vitu na niulu.

Me poso tua e vitu na niulu a Jakob te lavia a Rakel pe taho? Taho te mua lavia mua, na pukuna a Laban te pegoa, *ge* tugua nia, Lea te boni.

Ma Jakob te nea na hava vania Laban? Te vevoa, na pukuna keru te goi vahea gua Rakel.

Eniha na dalena Jakob? E hanavulu rua na mane ma sakai na vaivine.

Arahei te vahura Rakel? A Joseph ma Benjamin.

A Jakob te vahea na hava Joseph? Na tivi te lololaa.

Me gua *ge* vahea? Na pukuna te dolovia vaa itadira na lei dalena soko.

Na pukuna eni, na hava tara nea na lei tugana? Tara liodika vania.

Tana sosokona ivei tara nea? Tara lotia, mara sua keha na tivi keha itatana mara dorovagini horua ta na tuvu te lalo.

Me mate *ga* pe taho? Taho. Te mua mate *ga*. Tara mai na lei tinoni sabisabiri mara hunulua vanira.

---

Ivei tara nia va? I Misraim mara nia va hunulu *ga*.  
Mahei te pelua? Na habadira na vure tara rigi taonia  
na Vunagi a Pharo.

Na hava te kálitia a Joseph *ga*? Te soko vaho na balu niulu *ge* haba punisira na vure soko i Misraim.

Na hava na pukuna *ge* haba te vaga keri? Na pukuna te tuguni tatea vania Pharo *ge* ke vavolara na vure ta na *nenere*.

Na hava a Joseph te bosaa vania na Vunagi na *gehetiana*? Ke kisua na vale ni baore *korn* ta na niulu te hali na *korn*.

Ma rahei gua te kalera na *nenere*? A Jakob ma nina vure.

Na hava te nea a Jakob? Te vetenara na lei dalena na va pelu *korn* i Misraim.

Ahei tara topoa iga? A Joseph, tahidira me lavira va itatana na Vunagi.

Ma na hava te bosaa na Vunagi? Te bosaa vanira na laviana mai a tamadira ma na lei nina vure soko.

Ma Joseph te mate tua rana Misraim tara pabera ra Jakob pe taho? Taho, tara mua pabera.

Ivei te vagaa na lutu tara talua vanira? Na balu tara geli vatu, ma na balu tara *goni* komu.

Me gua *gera* nera te vaga eni? Na pukuna na vunagi ni Misraim te liona na tagalaginiadira.

Te nia *tanomana* na tagalaginiadira, pe taho? Taho. Vaho ara sepa *nanata* vaa.

Na pukuna eni na hava te nea vanira? Te labu *ma-tera* na lei meomeo mane.

Ahei te puputu ta na bona keri? A Moses.

Ivei tara nea na va volana i tadiria Misraim? A tinana te kolivaginia ta na popo, ma va talu poloa ta na liligi ni beti ta na vuluvulu.

Ahei te riga topoa *ga*? Dalena na Vunagi na vaivine.

Na hava te nea vania? Te lavia me kutia.

Ivei te nea na tuguni tateana vania Moses God? Ta na lake ta na pile gai.

Ma na hava te bosaa vania God? *Ge* ke lavi kehara ra hogona.

Ma Moses te nea na hava? Te va nonia Pharo me hovea agaia.

Ivei te nea God *ge* ke liliu na liona? Te nei vania na lei totoobo mamataguga.

Na hava te nea sosokoa vania? Te matera na lei kamanago soko.

Na vure ni Israel tara rugu horu tua, ma na hava te nea Pharo? Te tugua na liona me te sakeragi *ge* ke va lavi pulohira mai gua tatana.

Ivei te va rigitopora? Te va rigitopora ta na liligina na Horara Sisi.

Ivei tara nea na liu halavu? A Moses te haua na totogona, ma na tahi te tavoka, ma na vure soko tara liu halavu ilokana na horara.

Ma na hava te nea Pharo? Te taonira ta na borona na horara.

Na hava te kalea *ga*? Na tahi te kakovo punisira a Pharo ma rana lei nina tinoni, mara mate soko.

Na vure ni Israel ivei tara va? I Sinai, na gotu ta na bona aroha.

Me gua God *ge* vetenara va i *ga*? Te tuguni tatea vanira nina Ronorono.

Me soko, ivei tara va? Tara va kenea na komu ni Kanaan.

Mara hage ta na komu pe taho? Taho. Tara mua hage mua. Tara mua sakai puku ni taluutuniana God.

Na pukuna eni na hava te bosaa vanira God? Te gagua, Kau tona olioli tana bona aroha.

Eniha na niulu tara tona olioli *ga*? Vati hanavulu na niulu.

Arahei tara mate ta na bona aroha? A Moses, ma na lei mane sule.

Ahei te tugua Moses? A Joshua.

Ivei te nera Joshua? Te hulira va i Kanaan.

Ahei a Samuel? Na gari pile te *gehegehe* vania God.

Ahei te rigitaonia polo vuha sule? A Eli sakai na sukagi te hau tua.

God ivei te nea na viliana Samuel? E vati na holoana te boni.



A Samuel te diki ronovia na manana God na hava te nea? Te va rigia Eli, agaia te ganagana ke ma gaia te holoa, e gagua.

Me gua e vania Eli? Te mua hologo e gagua, ko pulohi mo ko va koli.

Eniha na tuguru ni vaana ta Eli? E tolu, ma Eli te pukua God te holoa.

Ma na hava te bosaa Eli vania na gari? Ke goi gatu hologo ke mo ko gagua, Ko bosa, Lord, nimua na tinoni ke ronovigo.

Na hava te nea Samuel? Te pulohi ta na malana, ma God te goi holoa soo, me bosai a Samuel na lei bosa te bosai vania Eli.

Na hava te tugunia vania Samuel God? Na dikalaadira Eli me rua dalena.

Na pukuna na hava ge dikalara na dalena Eli? Toro kabu dika.

Me gua God ge dikalaa Eli? Na pukuna te mua hove-ra ra dalena.

Ivei te nea na dikalaadira God? Te nera ge koro tona ta na veitotogoni ge koro mate ga.

Ma Eli te ronovira rana dalena toro mate tua, ivei tea? Te tumu keha ta na malei sopou ge mate.

Dalena ahei a David? Dalena Jese.

Na hava na lutuna? Te rigi taoni *sipu*.

Ahei na vunagidira na Israel ta na bona te vaga keru? A Saul.

Ta na luvaoluana David arahei na gadira na levu-ni-mate na Israel? Rana Peleset.

Me gua ge va topora David na lei mane ni veitotogoni itadira na Israel? Te va kutira ra hogona.

Ma David te saravira rana hogona na hava te ronovia? Te ronovaa me ronovia na manana na malagae te sule lee vaa itadira na lei tinoni soko.

Na hava te nia mai sutu vanira? Kau vilia siki sakai itamiu ke mai veitotogoni tagua, te gagua.

Na hava te nia baubahu vanira? Ke laga na tinoni itamiu ke, kau nigai tinoni ni vetevetena, mu ku laga inau ke, ma nimami na tinoni ni vetevetena igau.



Ma rana Israel tara liona na veitotogoni tatana pe taho? Taho. Tara mua liona, na pukuna tara matagunia.

Ahei te tala na va veitotogoni itatana? A David te tala. Ivei te nea na va tuguru punusiana? Na purupuru pagala me lima na vatu te holatigi.

Ahei te haba irotadira? A David te laga. Te purupuru pagalaa nia na vatu me kalea ta na raena, *ge* kutu.

A David ivei te nea na mateana na tinoni eni? Te vuria nia nina isi.

Ahei te vunagi tugua Saul? A David.

Ahei te haga tuguru punusia? A Absalom dalena.

Ivei te vagaa Absalom? Agaia te gaugaruga lee, ma na kaukabuna te mua uto.

Ivei te nea a David na tona saniadira a Absalom ma nina vure? Te gogo va ta na bona aroha.

Ma Absalom te taonia pe taho? Te taonia sugua me va veitotogoni i tadira nina vure David.

Ivei te vaga na bona tara veitotogoni *ga*? Na leao.

Na hava te nea Absalom ta na leao? Na vuvuluna te kau ta na gai.

Mivei te gagua *ga*? Sakai tadira na lei nina mane David te mai labua.

Ma David te ronovia na hava te nea? Te tani me gagua, Dale Absalom, E uto vaa inau ku mate tugugo, Dale Absalom, dale Absalom.

Ahei te vunagi murina David? A Solomon dalena. Agaia te manaha vulera na lei tinoni soko.

Na hava te kisua Solomon? Na vale tabu te uto lee. Tara dalia nia na *gold* ilokana.

Na hava na baubahu a God te vahea? Ka kabu mabo ke mana kinakabuna ke gahaa kasila.

Te taho ke mivei ke gagua? Nina kinakabu ke luvu ma na vale tabu gua ke tadurake.

A Solomon te kabu mabo pe taho? Taho te hahi sania God me ganagana mavai na lei titinoni.

Na hava God te bosaa vania? Na kinakabuna ke voka *ga* erua na kinakabu ma na levu vamua ke lavia dalena.

Ke gua niga vaho *ge* ke nea te vaga keri? Te mate vaho Solomon *ge* poso, me hanavulu na kema tara voka sania dalena.

Eniha vamua na kema tara gahara tatana dalena? Erua vamua.

Na hava tara vatura nia erua na kinakabu keri? Na kinakabu ni Juda, ma na Israel.

Ivei tara gagua na lei vunagi ni Israel? Gaira tara mua uto.

Arahei agaira God te vetenara na va pasaadira? Na porovete tabu.

Ahei na habadira na lei porovete? Elia.

Ahei na vunagi ta na bonina Elia? A Ahab.

Na hava na sosodo te kalera na Israel ta na bona keri? Na *nenere* e tolu na niulu me ono na vula, na pukuna te mua uha.

Ahei te tugunia vania Ahab, God ke nea te vaga keri? A Elia na porovete.

Ivei te nea Elia na ruguhoru tatana na vunagi? God te bosa vania *ge* ke tona me ke polo.

Ivei te va polo? Liligi na daidari Kerihī liligina na betitina Jordan.

Ahei te kutia ta na bona keri te polo *ga*? Na manu bili tara mai kutia te nulavi me puipuni.

Na hava te inuvia iga? Na beti ni daidari.

Na daidari keri te koba, ivei te va Elia? I Sarepeta, tatana na mate-sasani.

Na hava Elia te bosa vania? Ko vaheu mai na pile bereti, te gagua.

Na hava te bosaa na vaivine? Taho na bereti itagua na pile *flour* vamua ma na pile kokolo.

Na hava te bosaa Elia? Ko va gonia vaniu sakai na *bereti*, ma sakai na rogamiu irogamu.

Na hava na baubahu te bahua nia? Na *flour* ke mua soko ma na kokolo ke mua koba polo ke goi uha gua.

Eniha na niulu te manani na kokolo ma na *flour* keri? Erua na niulu ma na levu.

Egua niga vaho ge goi tate vania na vunagi a Elia? Te soko vaho e tolu na niulu me ono na vula.

Na hava te bosaa vania Ahab a Elia? Te dutu tua na uha tea.

Egua ge goi uha gua? Na pukuna a Elia te nonia tana God.

Ivei te gagua na uha God te vetenaa gua? Te sule, ge goi nia uto gua na maramana.

Ivei te vagaa na mateana Ahab? Te mate ta na veitotogoni.

Ivei te vagaa na tagaana Elia? Te dato kaikariga i kokou ta na taitakiro lake.

Ivei te vagaa na sosokona na kinakabu Israel? Ra na Suria tara sagua itadira.

Ivei te vagaa na sosokona na kinakabu Juda? Na vunagi ni Babel te lavia.

Ivei te nea na dikalaana na komu? Te durakea Jerusalem maia na vale tabu te kisua Solomon.

Ivei te nera na vure? Te nira seka rana Israel va i ta na komuna.

Tara kabu kasila ga pe taho? Taho. E vitu hanavulu na niulu te soko, na balu gera goi pulohi ta na komudira.

God te diki vetenaa hei ge ke idevia Jesus Christ? A John Vulitabu.

Ivei te gahaa? Ta na bona aroha.

Na hava te nia pupulu? Na vuvulu ni *kamel*, me nia kabe na guiguli ni *kau*.

Na hava na gana vana? Na puko ma na kokolo ni midua.

Na hava te bosa vanira na vure? Kau tugulio, te dutu mai na kinakabuna God.

Egua gara holoo Vulitabu? Na pukuna te vulitabura na vure tara taluutunia nina bosa nia na vulitabu ni tugulio.

Ivei te vagaa na mateana? A Herod te vuria na uluna ta na vale ni pipiti.

Egua Herod ge talua ta na vale ni pipiti? Na pukuna te pasaa nia tauna hogona te lala horua.



Ivei te vagaa na sivuragaana mai a Jesus? Na Taruna te Tabu te nea Meri na Tahula ge vahua.

Ivei te kabu a Meri? I Nasareta na komu ni Galilea. Ahei te anea? A Joseph.

Ma Joseph te rigia te bohe tua mivei te gagua? Te liona na saniana.

Ahei te hovea? Na taruna vetenaa nina Lord te livu vania ta na maturu bole.

Me gua gagua vania? Joseph, dalena David, ko bei matagu na laviana taumu a Meri; na pukuna gaia te nia liu na Taruna te Tabu.

A Jesus te sivuraga ivei? I Bethlehem na baebase ni komu ni Judea.

Egua tara vahua ta na vale kau? Na pukuna te taho na maledira ta na vale ni sinogo.

Ma God te tugunia vanira hei na sivuragaana mai a Jesus? Vanira tara vatoga *sipu*, ma ra na Magoi.

Ivei te nea na tuguniana vaniadirā ra na Vatoga *sipu*? Na Taruna vetenaa te tugunia vanira ta na boni.

Me gua e gagua vanira? “Kau rigia, Inau tu mai tugunia vanigamu na ronorono uto te togotogoga, maia vanira na vure soko tananiha, na pukuna te vahua tata-miu igeni na Vavola, Agaia Christ a Lord, ta na komuna David.”

Na hava tara ronovia te bosa soko vanira? Tara ronovira na lei Taruna tara holoutoa God i kokou.

Na hava tara bosaa na lei Taruna? “Holohaba God ta na parako, na mabo ta na maramana, itadirā na lei tinoni soko na lio uto.”

Me soko ivei tara gagua ra na vatoga *sipu*? Tara sakeragi mara va kenea na meomeo.

Na hava na vaugilala na Taruna vetenaa te tugunia vanira? “Eni na vaugilala vanigau, igau kau rigia tara pulua nia na tivi, mara kolivaginia ta na malei vana ni kau.”

Ma ra na vatoga *sipu* tara rigi sodoa na meomeo pe taho? Tara rigia, gera tualagi tuturu vania mara nia togotogo.



Ivei te nea na tuguniana na sivuragaana mai a Jesus vanira na Magoi? God te vetenaa na veitugu *ge* ke hulira va tatana Christ.

Ivei tara diki sara? I Jerusalem.

---

Na hava tara diki bosaa vanira na lei vure tara topora *ga*? "Ivei te puputu mai Agaia na vunagidira na Judea? Igami tai rigia nina na veitugu ta na sogā ni aho."

Ra na Judea tara pukua tua na vahuana Christ pe taho? Taho. Ma gaira tara pukua tua vamua ivei tara vahua mai. Ahei na vunagidira na Israel. A Herod.

Ivei te vetenara va ra na Magoi? I Bethlehem *ge* kara va kenea *ga* na meomeo.

Gaira tara rigi topoa pe taho? Tara rigia mara tualagi tuturu vania.

Ahei te hanara *ge* kara rigi topoa? God te vetenaa mai na veitugu na huliadira.

---

A Jesus *gari* mua ivei te gahaa? Te diki gahaa Misraim, me soko *ge* goi gahaa Nasareta.

Me sule galaga tua na hava te nea? Te oleole kolili me *gehegehe* uto vamua.

Arahei tara haba punisira ra na Israel ta na bona keri? Ra na Roma.

Ahei na vunagidira? A Kaisar.

A Kaisar te vetenaa hei na va rigitaonira na vure ni Judea? A Pontius Pilat.

A Christ te kabu beto uto ta na bona keri? Taho te kabu vateiaroviana.

Ivei te nea na taraiadira na vure? Gaia te tugunigi vanira na lei tobo te liona God.

Te dolo a Jesus pe taho? Te dolovia sugua.

Na vure tara dolovia Jesus, pe taho? Na balu tara dolovia ma na balu tara nia sika.

Gaira hei tara nia sika? Ra na Puku ni Sukagi ma ra na Tarai, ma ra na Pharise.

Na hava tara nea gaira? Tara kenea na lotiana *ge* kara labua,

Ivei tara nea na kene topoana? Tara talua na rono vania sakai tadira na Hala.

Ahei agaia? A Judas.

A Judas te hulira va ivei? Te na legai a Jesus te kokoeliulivuti ga.

Ivei te nea na peroana Jesus? Te va rigia me te bosa vania, "Agi, Rabi," me te noninonia.

Ivei tara nia va na lei mane ni *gehe-mate*? Tara nia va ta na valena na Puku ni Sukagi.

Ivei te vaga na bona ni boni vagana? Te kutu na boni hau.

Na hava te bosaa vania Jesus na Puku ni Sukagi? Ivei to nea na taraiadira na vure.

Na lei mane ni *gehe-mate* tara nea na hava vania? Tara batobatoa, mara tapoa, mara anusia, mara pulu punisia na matana.

Te dani tua ivei tara nea? Na Puku ni Sukagi ma ra na lei mane ni dete tara kenea na totoobo hava kara nea vania.

Tara kene topoa na paluna pe taho? Taho. Tara mua topoa.

Na Puku ni Sukagi te huatia nia na hava? Te gagua, Igoe a Christ Dalena God pe taho.

Ma na hava te bosaa Jesus? "Te vagaa te bosaa," e gagua vania.

Ma na hava tara bosaa na lei mane ni dete? Gaira tara gagua, te ulagana sugua na mate.

Tara nia liosakai tua na mateana pe taho? Tara nia liosakai sugua, gera lubatia vania Pilat.

Na hava te bosaa Pilat? "Inau tu mua rigi topoa na paluna itatana na tinoni eni," e gagua.

Na hava tara bosaa na vure? Tara gaegahe mara gagua, "Patokia, Patokia."

Na hava te nea a Pilat? Te vetenara na lei mane ni *gehe-mate* ge kara ramosia Jesus.

Na hava gua tara nea vania ra na lei mane ni *gehe-mate*? Tara pulua nia na tivi te denideni, mara virigia nia na karukaili na uluna, mara talua na ade ta na limana.

Ivei gua tara nea na dikalaana? Tara anusua, mara ramusia nia na ade na uluna.

Me soko eni a Pilat te bosaa na hava vanira na lei mane ni *gehe-mate*? Na va tateana vanira na vure a Jesus.

Ma na vure subo tara rigia mara arovia pe taho? Taho, tara gaegahe mara gagua, Lavi kehaa, Lavi kehaa, mo ko ve patokia.

Ma na hava te bosaa Pilat? "Kau lavia gatu igamu ma kau detea. Nau tu mua topoa na paluna itatana.

Na pukuna na hava Pilat te ronovira na vure? Na pukuna ra na lei sukagi tara gagua vania, Ko lubatia mua na tinoni eni ke mo ko mua kulana a Kaisar.

Ivei na bona tara patokia *ga*? I Kalvari.

Ivei tara nea na patokiana ta na gai vavala? Tara patoki kolui nia na gai na tuana ma na limana.

Tara patoki soko tua Jesus ma na hava te bosaa; "Mama ko talu kehai na paludia na pukuna tara mua pukua na hava tara nea."

Na lei sukagi ivei tara nea na batobatoana?

Tara pasaa mara gagua, "Gaia te vavolara na keha me mua tanomana na vavolana hegena."

Ahei rogaira tara patoki kolura nia Jesus? Erua na tinoni gito, sakai ta na madolona ma ruani te na maulina.

Na hava toro nea vania rogaira? Sakai te koenelea, ma na ruani te pasaa na kulana.

Na hava Jesus te bosaa vania na tinoni keru? Te gagua vania, "Gegua ko kabu kolu itagua i Paradis."

Ma Jesus te dutu ni mate na hava te kalea na komu? Na puni te kuvihia na komu udolu, ma na anu te kahi-kahia na pari, ma na lei gilua ni tinoni mate te tavukesi; ma na vovonona Voki te tabu te tarosi me rua na levuna.

Ahei te tavugia Jesus? Na tinoni maemane na ahana Joseph.

Ivei tara tavugia? Ta na vatuluma tara tupi kasunia tua ta nina legai a Joseph.

Ivei na boni vagana a Jesus te tuguru oli ilokana? Ta na Sundi te poso *ga* etoluni na boni te mate ilokana.

Te soko tua raeni eniha na boni te gahaa ta na mara-mana eni? E vati hanavulu vamua.

Te soko na bona eni ivei te va? Te dato i kokou.



Ivei te kabu taeni? Ta na pala madolona God.

Me gua *ga* ganagana mavaa na Sundi? Na pukuna ta ganagana olia *ga* Christ te tuguru oli sania na mate.

---

Me gua Christ *ge* puputu mai? Na pukuna ke mai kabu itadira na lei tinoni me ke mate tugura.

Me gua *ge* kabu itadira na lei tinoni? Na pukuna ke taraira nia na bosana God.

Me gua *ge* mate ta na gai vavala? Na pukuna na lei tinoni te punisira na tanotanodika, gera mua tanomana na dato ikokou.

Me gua *ge* tuguru oli ta na mate? Te diki tuguru oli tua Agaia, *ge* ka tuguru oli gua igita itananiha.

Me gua *ge* dato ikokou? Na pukuna te ke va vetenaa mai na Taruna te Tabu *ge* ke tuguni tatea vanigita God.

Na pukuna na hava a Jesus te sopou ta na pala madolona God na Mama? Na pukuna ke kokoeliulivuti vania God me ke nonia *ge* ke talu-kehai na lei paluda soko.

---

A Jesus te dato tua, ahei te vetenaa mai? Na Taruna te Tabu.

A Jesus Christ te haba va i tatana na Taruna te Tabu pe taho? Taho. God na Mama, ma na Dale, ma na Taruna te Tabu tara tolu kaekage.

Na hava te nea na Taruna te Tabu? Te va tabura na lei tinoni nina Christ.

Na hava gua te nea? Te hulia me te rigi taonia na Holohoru.

Ivei te nea na tabuadira na lei nina tinoni Christ? Te vahu vaolui na tarunadira.

Ta na hava te vavolai? Ta na Vulitabu tara tabea nia na tugulio ma na taluutuni.

Na hava gua te nea? Te nasiligi na tarunadira na lei nina tinoni Christ.

Na pukuna eni na hava kara nea? Kara *gehegehe* na lei *gehegehe* nina Taruna te Tabu.

Na hava na lei *gehegehe* nina Taruna te Tabu? Na dolo, ma na togotogo ma na mabo, ma lei totobo te uto, te vagai raini.



## NA BALU KOKOELIULIVUTI.

*Ta na roropo.*

Lord, to vola oliu mai tua i boni tu maturu, ma ko goi rigi taoniu gua geva na dani eni ; ke bei topou gea siki sosodo, mo ko pilu punusiu me ke kabu tagua a Jesus Christ na Vavolagu. *Amen.*

*Ta na nulavi.*

Lord, vaga Igoe to rigi taoniu igene, ge ku vola topoa mai na nulavi eni, mo Ko goi rigi taoniu gua geva ku maturu, mi ropo ku goi holoutogo gua, na pukuna Jesus Christ, nimami na Lord. *Amen.*

*Na vuivuni ni vana.*

Lord, Ko negami ge kai bosautogo nia na vana eni to vahegami mai. Na pukuna nimami na Lord Jesus Christ. *Amen.*

*Na sesoko ni vana.*

Lord igami tai bosautogo nia na vana eni, na pukuna nimami na Lord Jesus Christ. *Amen.*

*Na hage ta na Vale Tabu.*

Lord, nau tu mai hage ta na Valemu ge ku tualagi tuturu vanigo ta na matamu ; mo ko talukehai na lei palugu, na pukuna Jesus Christ na Vavolagu. *Amen.*

*Na horu ta na Vale Tabu.*

Lord, ko rigitaoniu geva ku horu ; me ke rigitaoniu me ke kabu itagua a Jesus Christ te mai hui oliu tua. *Amen.*

*Na hanadira na lei tarai.*

God Tamagu, ko vautora na lei tinoni to vilira tua ge kara taraiu nia na Bosamu. Ko hulira nia na Tarunamu te Tabu ge kara taraiu ma nimua na tinoni soko nia na ronorono te uto, moko hanau ge ku lavi panotia na bosa-dira, na pukuna Jesus Christ nimami na Lord. *Amen.*

*Na hanadira na lei gari pile.*

God, Mama ikokou, Ko rigi dolovira na lei gari pile ta na komu eni. Ko lavi tatavahalera ta na tanotanodika; mo ko hanagami ge kai tatea na gehegehe maemane ta na matadira, na pukuna Jesus Christ. *Amen.*



